

欽定八旗通志

營建志

卷一百十四

之一百十五



欽定八旗通志卷一百十四

營建志三六間餘共五百五十二間空基

京城營建規制三

八旗倉廩 八旗教場 八旗
礮廠 八旗火藥廠

海運倉在東直門內鞭子衚衕北口外鑲黃旗地

方原設廩四十五座內四座六間餘俱五間計

百二十九間空基十六座續增廩四十二座

內廢
七座

共八十座堆子七所共八間乾隆元年添廩二十

座八十三座續增座三十八座共八十座堆子三

舊太倉在朝陽門內正白旗地方原設倉廩四十

二座內三座六間餘俱五間計二百一十三間空

基二十三座續增廩三十八座共八十座堆子三

所共六間乾隆元年添廩九座五十年被焚六座

南新倉在朝陽門內鑲白旗地方原設廩三十座

內二座六間餘俱五間計一百五十二間空基一

十六座續增廩四十五座共七十五座堆子三所

共六間乾隆元年添廩一座

祿米倉在朝陽坊智化寺西正藍旗地方原設廩

二十五座內二座四間餘俱五間計一百二十三

間內廢二座空基五座續增廩三十四座共五十七座

堆子七所共十二間此處原係祿米太平二倉康熙四十四年皆歸併為祿米

倉

北新倉在東直門內瓦兒街東口正黃旗地

方原設廩四十九座每座五間計二百四十五間

空基八座續增厥三十一座共八十座堆子八所
乾隆元年添厥六座

興平倉在朝陽門內匾擔衙衙南口正紅旗地方
原設厥三十座每座五間計一百五十間空基十
座續增厥五十座共八十座堆子七所乾隆元年
添厥一座

富新倉在朝陽門內北小街鑲紅旗地方原設厥
二十八座每座五間計一百四十間外板厥二座

係大通橋
堆貯板木空基八座續增厥三十四座共六十四
座堆子五所

太平倉原與祿米倉同設一處康熙四十四年移
設於朝陽門外鑲藍旗地方原設厥十五座每座
五間計七十五間空基一座

今歸併祿
米倉詳後續建厥八
十座

內十座係大通
橋號房改作

乾隆元年添厥六座

本裕倉在德勝門外清河地方開放

圓明園及鄭家莊二處駐防官兵棒甲米石厥三十

座每座五間計一百五十間堆子九所

萬安倉在朝陽門外正白旗地方廩四十二座每

座五間計二百一十間堆子五所乾隆元年添廩

三座四年奏准將儲濟倉新建廩四十八座歸併

管理名曰萬安東倉其舊廩名曰西倉

裕豐倉在東便門外駱駝館共廩六十三座堆子

十所共十間

儲濟倉在東便門外謝聖保園地共廩一百零八

座堆子八所共十三間乾隆二年所添倉廩已撥

入萬安倉管理

豐益倉在安河橋共廩三十座堆子四所共十二

間

恩豐倉在東華門北首東夾道乾隆二十八年設

廩十二座係沿河官房七十四間改作

通州西倉在新城內原建廩一百九座續增廩九

十一座乾隆二十九年裁去四十九座現存一百

五十一座

通州中倉在舊城南門內原建廩六十四座續增

廩五十五座乾隆三十六年裁去十一座現存一

百零八座

凡堆卸漕米之處設立號房大通橋號房共四十

八間朝陽門號房共五十八間通州石壩號房共

一百零六間通州土壩號房共六十間

以上倉廩名數坐落

凡倉廩規制每座五間亦有四間六間者每間七

檁六搭椽面濶一丈四尺進深五丈三尺山柱高

二丈二尺五寸簷柱高一丈五尺五寸頂有氣樓

廩底用磚砌墁上鋪木板廩門廩牆俱留下孔以

洩地氣

凡修理倉廩三年一小修五年一大修工價屬戶

部辦料屬工部自錢糧歸併戶部所需料價銀兩

並咨戶部給發

順治九年覆准看倉夫役每名月給米六斗每歲額修倉廩七十五間如遇工作每名日給米一升又題准京通倉廩大修屬工部小修屬戶部如遇大修工部確查勘估措辦物料戶部給發工匠價值如遇小修倉場侍郎酌議戶部給發該倉監督修理

十七年覆准各倉場基岡基俱用磚鋪砌

十八年增建京城等倉廩每廩一座計房五間俱

係七棟六搭明間各造氣樓一座出樓兩搭一間每廩面濶六丈進深四丈五尺山牆高二丈一尺長五丈一尺簷牆高一丈二尺長六丈牆根濶七尺頂濶五尺又砌造圍基每座週圍六丈高一尺五寸

康熙十八年題准京倉差工部官督修仍差戶部官一員公同估計其通庫輕賚銀兩截充兵餉應用錢糧戶部支取

欽定八旗通志 卷一百十四
雍正二年覆准各倉廩墻垣如有滲漏坍塌之處
監督報明倉場侍郎卽親身驗看明白該監督果
能捐修完固俟任滿交代清楚之後倉場查明具
題將實在捐修銀兩數目造冊送部核明交與吏
部照例議敘按銀數多寡准其加級紀錄以示獎
勵

四年覆准各倉開濬水溝墊土造橋令各監督於
每年二八月中巡視挑濬永爲定例不行修築者

題叅議處並行令九門提督飭該地方兵丁禁止
堆積壅滯

又覆准令倉場總督查明現在放空廩座卽將現
存板木滿鋪廩底堅固鋪墊如有不敷動支戶部
錢糧採買板木應用嗣後放空廩座俟各省隨糧
解送本色板木到日陸續鋪墊

八旗教場

順治八年題准八旗演武教場各隨旗分建設

十八年改設鑲黃旗教場於安定門外正黃旗教場於德勝門外正白旗教場於東直門外鑲白旗教場於朝陽門外正紅旗鑲紅旗教場於阜城門外正藍旗教場於崇文門外鑲藍旗教場於右安門內各有演武廳

鑲黃旗侍衛教場在東安門內

皇城北牆根正黃旗侍衛教場在西安門內五龍亭北正白旗侍衛教場在東安門內

皇城南牆根每教場內設房五間抱厦三間

雍正三年七月工部奏准滿洲正紅鑲紅鑲藍三旗蒙古正紅鑲紅鑲藍三旗漢軍正紅鑲紅鑲藍三旗各於教場內建設箭亭一座每座三間給發銀兩委員蓋造本年三月初四日興工四月二十九日完工交與各該旗查收

是年十月兵部議覆據副都統多賽奏稱安定門外黃寺前教場係八旗操演兵丁閱看軍器及蒙

古往來之地臣見小人圖利有在路傍掘土爲坯
市賣者若不行禁止恐致日久不惟掘傷教場亦
且有壞道路况地近城垣有關風水伏祈

勅下嚴行禁止等語查得教場委屬緊要之地又係近城
風水攸關應如所請嗣後令步軍統領衙門出示
曉諭嚴行禁止仍交派出稽察教場旗員該營武
弁及兵馬司官員令其不時巡查若仍有在教場
處掘土者卽行拿送刑部從重治罪將該管官一

併議處再入旗教場俱近城垣不肖人等希圖取
利有掘土爲坯市賣者亦未可定相應一併交與
步軍統領衙門八旗稽察教場官員及五城兵馬
司官員嚴行禁止奉

旨依議

乾隆五十九年查正黃旗教場內有閱臺一座看
亭拜唐阿住房一間奉

旨設立石碑一座餘旗各如舊

靜宜園演武廳琉璃正殿一座五間前抱厦三間左
 右布瓦朝房各五間俱無匾額正殿後磚砌圓城
 一座前券門上嵌石匾刻威宣壁壘四字後券門
 上嵌石匾刻志愈金湯四字前券門上琉璃瓦城
 樓一座計五間後券門上琉璃瓦城樓一座計三
 間內安設石卧碑上刻實勝寺後記俱無匾額圓
 城內左右看守房各三間俱係乾隆二十六年修
 建又實勝寺前琉璃瓦碑亭一座

八旗礮廠

鑲黃旗礮廠三十五間正白旗礮廠三十五間鑲
 白旗礮廠三十五間正藍旗礮廠三十五間俱在
 鑲黃旗教場空地

正黃旗礮廠三十間正紅旗礮廠三十間俱在德
 勝門內

鑲紅旗礮廠二十三間鑲藍旗礮廠二十三間俱
 在阜城門內

鑲黃旗礮廠在柏林寺東教場口

正黃旗礮廠原在德勝門新街口內蔣家坊地方
康熙四十六年五月移在西直門內樺皮廠地方
棚內存貯四十七年三月卽在樺皮廠地方修造
礮局存貯礮位

正白旗礮廠在東直門內北新橋柏林寺東邊貯
礮房屋計四十八間

正紅旗礮廠原在新街口將養房地方康熙四十

六年移在西直門內樺皮廠地方

鑲白旗礮廠在北新橋柏林寺東教場地方係康
熙二十四年工部修葺二十五年初立礮局

鑲紅旗礮廠在宣武門內城隍廟北

正藍旗礮廠在北新橋柏林寺東邊康熙二十五
年工部修葺自本年起本旗礮位俱在此局內收

貯

鑲藍旗礮廠在宣武門內城隍廟北

康熙二十年正月工部尙書朱之弼題准神威將軍礮二百四十位俱已造完八旗各分給三十位每旗造房十五間各面濶一丈二尺深一丈五尺令其收貯

二十四年三月工部尙書薩穆哈等題准鑲黃正白鑲白正藍四旗收貯礮車等項一房每旗大門一間正房九間廂房二十六間共蓋造房一百四十四間

滿洲火器營城內八旗礮廠乾隆二十九年設

鑲黃旗在大興縣南邊房四間

正黃旗在德勝門內西中心臺房五間

正白旗在東四牌樓北七條衚衕房五間

正紅旗在阜城門內馬市橋北溝沿房十一間

鑲白旗在崇文門內東城根中心臺房十一間

鑲紅旗在宣武門內單牌樓邱子衚衕房五間

正藍旗在崇文門內大羊毛衚衕房七間

鑲藍旗在宣武門內西斜街玉皇廟房六間半

八旗火藥廠

鑲黃正黃二旗火藥廠十二間在安民廠

正白正紅鑲白鑲紅正藍鑲藍六旗火藥廠二十間在天壇後

康熙十年十一月工部尙書吳達禮等議准正白等六旗堆貯礮藥庫房二十二間大門三間年久將頽貯藥在庫不便修理將廠外大門三間廠內

小門一間圍牆造砌先於庫傍餘地造庫十間搬貯火藥再拆卸舊庫木料磚瓦造庫十間全移火藥堆貯其庫房照舊七櫺大門六櫺共計葢造庫房二十四間

康熙三十一年九月工部尙書沙木哈查得城上新造收貯火藥房二百四十六處修理舊房九十九處共計七百三十五間交與管工員外郎石流柱修造工完

八旗火藥廠先經設立德勝安定二門外收貯火藥康熙三十一年房屋倒廢將存貯火藥奏明移在濯靈廠各門城上收貯所有空地三塊雍正六年八月又經奏明交與內務府查收

欽定八旗通志卷一百十四

欽定八旗通志卷一百十五

營建志四

京城營建規制四 八旗學舍

八旗學舍

順治十年四月工部尚書臣劉昌等議覆工科愛
惜喇庫哈番散多題准各旗設立宗學以昭

皇恩玉成宗室之至意其設立書院之處該臣等備查會

典開載親王冊封外藩工部題明遣官營造府第

內有書院一所其郡王宗室以下止各給房價聽
其自造今議親王以下宗室建立宗學或臣部酌
量給與工價或令其自行建造統候

聖裁奉

諭旨建立宗學著量給工價聽其自行修造

雍正二年奉

上諭宗室學房左右二翼著各立一所左翼給房一百二
間右翼給房九十三間

是年五月工部議覆准禮部文開宗室讀書之處
應於公所設立學堂二所其八旗分左右翼每翼
各於公所設立學堂二所其學堂於兩翼現有官
房內令該管處奏

聞撥給六所交工部修理書桌椅檯等項亦交工部置辦

奉

旨依議行文該管處奏
聞撥給學房行文到部之日有修理之處派員修理其書

桌椅櫈等項照依來文辦送
多羅順承郡王等題稱所立宗學房屋臣等親身
閱看將應修之處臣衙門派官料估領取工部錢
糧修理將所用錢糧核算題銷等因奉
旨依議

左翼宗學坐落東四牌樓燈市口東史家衚衕西
口雍正二年初設房八十八間十二年果親王奏
交工部修理乾隆十六年修理拆去房十九間三

十六年誠親王奏明動撥宗人府年例

恩賞庫銀兩交本學會同宗人府衙門司員修理添蓋

房二間現共房六十四間

右翼宗學於雍正三年初設在西單牌樓北口石

虎衚衕共房八十八間乾隆十九年移設於絨線

衚衕內板橋迤東共房三十六間二十八年簡勘

親王奏准交內務府修理

以上八旗宗學房舍

雍正七年

欽宗聖憲皇帝

上諭八旗內覺羅佐領或有或無向未畫一今既將下五旗覺羅佐領由各該王屬下撤出作為公中佐領朕意均派八旗方為妥協前者宗人府設立宗學祇令教習宗室尙未及於覺羅覺羅人衆今若一概歸併宗學教習者勢難遍及應每旗各立一衙門管轄覺羅或王或公派委一員統理令其於各該旗覺羅內揀選老成練達品行端方者一二人分管卽於該旗衙門之旁設立

一學除情願在家學習者外擇其可教之人令其讀書學射滿漢兼習所派出之管轄人員不時訓誨稽察如內有行止不端不知守法安分者卽回明宗人府王等令在該旗衙門居住學習禁止出門俟其改行遷善之後再回明宗人府王等始許出門年底彙疏具題如此則於覺羅少年子弟大有裨益而人人皆可成就著宗人府王公等會同滿洲大學士六部尙書詳悉議奏特

諭

吳中十二氏宗人

是年十二月宗人府王公滿洲大學士六部尚書
等議覆我

皇上御極以來睦族敦宗養教備至俯念覺羅等雖世系
稍遠亦出自

天潢是以由該王屬下撤出置之公中佐領茲又

特命將七旗所有之覺羅佐領均之於八旗每旗各設一

學令其讀書得以成就

恩德之隆實爲備至查七旗所有覺羅佐領共三十二分

鑲黃旗七分正黃旗五分正白旗無有正紅旗七

分鑲白旗五分鑲紅旗四分正藍旗二分鑲藍旗

二分今應就便視其可移者每旗置爲覺羅佐領

四分將鑲黃旗七佐領內之佛保永昌阿堵鑲白

旗之海蘭此四佐領移置正白旗正藍旗惟有覺

羅佐領二分將鑲藍旗之永祿同保住此二佐領

移置正藍旗共成四分將正黃旗之東武立正紅

旗之得進圖爾得黑馬喇熙此四佐領移置鑲藍

旗再八旗各擇官房一所立為衙署旁設清漢各
一學八旗覺羅內自八歲以上十八歲以下子弟
俱令入學讀書其中有情願在家讀書者聽其自
便其入官學讀書者清漢隨其所願而教之如十
八歲以上已會讀書而又願入學讀書者亦准其
入學至十八歲以上未曾讀書者不可竟無教訓
於每月朔望傳集該旗公署宣講

聖諭廣訓總管一旗與覺羅等之王公由宗人府將王公等

職名開列奏請

欽點每旗派覺羅二人以為督教之長即交委出之王公

等會同宗人府王公等務擇其能管轄人去得者
挑取由各部院現任筆帖式內擇其人老成能繙
譯者揀選八人每旗各分一人教習清書由禮部
揀選教習八人每旗各分一人教習漢書再行文
兵部將現在十五善射或已退之十五善射內無
論官兵揀選八人每旗各分一人令其教射於學

舍院內修一習射之地令覺羅等於誦讀之暇兼以習射所選督教之長十六人令其每日在學行走讀書之覺羅等有怠惰不學者各學之長卽嚴加訓飭若不悔改卽回明該旗管轄之王公等嚴加訓責如有甚劣者報知宗人府拘於本旗衙署內教訓不准出外行走卽不讀書之覺羅內有行爲妄亂者亦拘於衙署之中教訓不准出外行走俟痛加悔改之時告知宗人府始行放出由宗人

府彙集奏

聞再讀書之覺羅等若不時加考課則優劣不分無以懲勸令該管之王公等於每年春秋二季親身考驗分別等第報知宗人府登記檔案如所學之書及騎射俱優者奏

聞引

見擢用則劣者自知黽勉効法各加奮勵而學業可成矣至讀書之覺羅及督教人等每月各給公費銀二

兩其米石紙筆墨水炭等物俱照宗學之例行文
各該部領取教清書之筆帖式教漢書之教習等
亦照宗學之例教習三十六個月期滿行文吏部
照例補用如懶惰不勤者咨送該部革其職銜如
有多教三年者將其多教三年之處一併咨部議
敘再各學之覺羅有進文生員及繙譯生員至四
人者將教清漢書之教習等亦交該部議敘其教
射之人亦照筆帖式給與公費其衙署學舍著各

該旗揀擇足用之官房一所委員會同派出之覺
羅學長估計領取官房租銀修理報部核銷再每
旗挑馬甲各二名以爲傳事之用覺羅等讀書五
年如果成就多人著宗人府詳查奏

聞將該管之王公議敘派出之學長等如果勤慎教導令
該王公等報知宗人府另行保奏教射之人俟過
五年交各該旗於伊等應陞之缺卽用如怠惰不
勤卽叅奏治罪如此則教習人等各得勤於訓導

而讀書之覺羅等學業可成矣奏入奉

旨依議

鑲黃旗覺羅學係官房一所共五十二間坐落安定

門大街香兒衚衕雍正十年八月建設

正黃旗覺羅學係官房一所共六十一間坐落西

直門內北衚衕雍正十年八月建設

正白旗覺羅學係官房一所共四十五間半坐落

朝陽門內南小街新鮮衚衕雍正十年八月建設

鑲白旗覺羅學係官房一所共三十二間坐落東

四牌樓大街路東十條衚衕雍正十年八月建設

正紅旗覺羅學係官房一所共五十五間坐落阜

成門朝天宮內中廊下雍正十年八月建設

鑲紅旗覺羅學係官房一所共四十三間坐落宣

武門內象房橋西承恩寺街雍正十年八月建設

正藍旗覺羅學係官房一所共五十三間坐落王

府大街路西阮府衚衕雍正十年八月建設

鑲藍旗覺羅學係官房一所共四十五間坐落阜

成門南玉帶衚衕雍正十年八月建設

以上八旗覺羅學舍

雍正七年奉

旨於咸安宮設立官學其

咸安宮坐落

壽康宮後長庚門內乾隆十六年恭逢

皇太后六旬萬壽改建

壽安宮將官學移於西華門內北邊共房二十二間其

咸安宮

咸安門匾額即移於官學大門懸掛乾隆二十五年

復移於西華門內北邊器皿庫共房二十七間其

舊官學改為衣庫其匾額仍在該處懸掛四十四

年折去房三間添蓋房七間

以上咸安官學舍

康熙二十四年四月

諭內務府今見內府佐領人員善射及讀書善文者甚少
可專設學舍選可教之人令其學書習射優者錄用劣
者罷黜學舍應立於朕常見之處俾學習之人黽勉肄
業

二十五年奉

聖諭於北上門兩旁所有官房三十間設立滿漢學房

以上景山官學房舍

順治元年十一月國子監祭酒李若琳疏言近奉

諭旨滿洲官員子弟成就學肄業而臣衙門僻在城東北

隅諸子弟往返晷短途遙臣等議得滿洲八固山

地方各覓空房一所立為書院將國學二廳六堂

教官分教八旗子弟各旗下設學長四人俱就各

旗書院居住朝夕誨迪臣等不時親詣稽察勤惰

仍定於每月逢六日各師長率子弟同進衙門臣

當堂考課以示懲勸下禮部議行

二年題准滿洲子弟就學肄業分為四處

康熙七年十月禮部尚書郝維訥等具題為咨請
代題修理官學房事該臣等議得國子監呈稱鑲
黃旗正白旗正紅旗官學房舍於今年大雨連綿
俱行倒塌已經移咨工部覆稱係該旗自行修理
本部無修官學房之例在案及移文該旗都統又
稱應工部修理但八旗官學房原係部給肄業伏
乞代題

勅下該部修理以便官學生肄業等語查官學房係官學

生肄業之處今據該監呈稱盡行倒塌工部雖從
無動用錢糧修理之例但無學房恐於學業有悞
相應請

勅工部修理奉

旨依議

十年十一月工部尚書吳達禮等議覆國子監疏
稱鑲白旗官學房三間俱被倒塌仰祈

勅部照修造鑲黃旗正白旗正紅旗官學房之例修造以

清照便官學生肄業等因查康熙七年十月內禮部具
題鑲黃旗正白旗正紅旗倒塌官學房舍經臣部
議准盡行倒塌房每間給錢一十五千其倒塌半
邊並歪斜房每間給錢七千五百文交與該旗助
工役教自行蓋造修理在案今鑲白旗官學房三間國
子監既稱俱被倒塌應照例每間給錢一十五千
共給錢四十五千交與該旗助教自行蓋造奉

旨依議

十一年正月工部尚書吳達禮等題准國子監鑲
藍旗漢軍官學房廂房三間倒塌棟椽磚瓦等項
俱已拆碎又滿洲官學房正房一間半漢軍官學
房正房三間俱歪斜將塌照例給錢交與該旗助
教自行修理奉

旨依議

十二年八月工部尚書吳達禮等具題為更換官
學以便誦習事該臣等議得國子監祭酒宜昌阿

等疏稱現在正白旗官學房舍倒塌查從前各旗官學俱撥在寺廟蓋造學房肄業今查正白旗地方演武場傍空廟一所可以蓋造學房將現在學房變價於空廟院內蓋造庶官學生肄業得所等因查得正白旗舊教場地方原有空廟一座臣部差官驗看正白旗官學倒塌房三間半其現在學房亦窄狹損壞難以肄業是實相應交與該旗助教等將現在學房變價在此廟內自行酌量蓋房

肄業如錢糧不足臣部查核添給奉

旨依議

雍正五年十月康親王果郡王會同工部議覆國子監祭酒孫嘉淦條奏八旗設立官學內一條議得八旗學舍乃諸生誦讀之所今每學止三四間一旗三學共十三四間不等實屬狹隘應將現今官學房交還各該旗查收每旗另給官房一所二十餘間量可容百人誦讀者著本旗修理俾諸生

旨依議

聚處其中則學舍寬適便於誦讀矣奉

鑲黃旗官學坐落圓恩寺衚衕內坐北向南共房

三十七間

正黃旗官學坐落西直門大街新街口公用庫地

方共房三十一間

正白旗官學坐落東四牌樓南小街新鮮衚衕內

共房二十八間

正紅旗官學坐落阜成門內巡捕廳衚衕共房四

十七間

鑲白旗官學坐落東單牌樓象鼻子坑共房二十

五間

鑲紅旗官學坐落宣武門內頭髮衚衕共房四十

八間

正藍旗官學坐落崇文門內單牌樓北街東新開

路共房三十五間

鑲藍旗官學坐落宣武門內乾石橋東口內共房

四十間

以上國子監八旗官學房舍

世職幼官學係乾隆十八年設每翼學舍二處

欽派大臣管理

鑲黃旗正白旗同在安定門交道口共房二十八

間

鑲白旗正藍旗同在朝陽門內乾麪衙衙共房二

十二間

鑲紅旗鑲藍旗同在宣武門內單牌樓北共房二

十五間

正黃旗正紅旗原設於阜成門內驢肉衙衙乾隆

二十六年因回子貝勒霍吉斯住房狹小將學房

撥給居住移設本學於西直門內大街高井衙衙

對過共房十五間

以上幼官學舍

雍正元年議准教場內蓋造八旗兵丁子弟學舍
各五間

七年正藍旗副都統正叅領阿祿奏准設立各旗
甲喇學舍教習本旗養育兵幼丁弓箭滿蒙話

雍正十年

上諭圓明園兵丁朕從前未經細看此次朕往觀大閱細
看沿途站立管道之圓明園兵丁氣象較前甚優圓明
園之八旗及內府三旗賞給教習令伊等子弟學習漢

書著果親王等議奏特諭

是年四月果親王允禮等議覆八旗及內府三旗
營房向因地勢建造故相隔遠近不一今蒙

聖恩設立學舍當視營房之遠近建造查得鑲黃正黃正
白鑲白此四旗營房相近應造學舍一所設教習
二名正紅鑲紅此二旗營房相近應造學舍一所
設教習一名正藍鑲藍此二旗營房相隔甚遠不
便設立一學每旗各應造學舍一所各設教習一

名其內府三旗既同一營房應造學舍一所設教習一名共造學舍五所挑取教習六名其教習於八旗及內府生員內擇其能訓誨者六名令爲教習著四年一換每月給伊等錢糧二兩每年三季共給米二十一斛二斗其中如有善於教訓誠屬優等者咨行吏部卽以筆帖式補用其平常者駁回該旗其教誨甚劣者將生員革退其缺另行挑取

奏入奉

旨依議

鑲黃旗在安定門內共房二十五間

正黃旗滿洲在十刹海北大橋北魏兒衚衕羊房

衚衕四處共二十二間蒙古原在武王侯衚衕共

房七間半乾隆三十九年將馬圈四間改作學舍

以舊學舍取租

正白旗在朝陽門內南小街竹竿巷共房三十一

間乾隆三十七年買置

正紅旗滿洲蒙古在阜成門內西廊下共房二十

五間漢軍在上岡地方共房十一間

鑲白旗滿洲蒙古漢軍在東四牌樓柵欄衙計

房十一間

正藍旗在大方家衚衕牛角灣西褲子衚衕趙家

樓五處共房十九間半

鑲藍旗在西長安門草帽衚衕共房九間

健銳營學舍乾隆四十年大學士忠勇公傅恒奏

添派八旗官學教習八名其教習咨行吏部由繙

譯生員監生內考取三年期滿教導有成咨行吏

部入於議敘班以筆帖式補用

五十年吏部奏准八旗官學教習現遺之缺勿用

咨行吏部挑取查禮部現有考取候補宗學覺羅

學

咸安宮學及國子監八旗官學各教習人數甚多應

可調補俟三年期滿仍咨吏部入於議敘班內以
筆帖式補用

謹案此項官學俱未給房
即由兵丁房內摘借設立

雍正三年四月工部議覆禮部咨內務府文開遵

奉

恩詔設立八旗秀才童生學舍分爲四處將安定門大街
內官房十九間觀音寺衚衕內官房二十間給與
左翼作爲學堂武定候衚衕官房二十四間半兵

部窪官房二十間給與右翼作爲學堂

六年十一月禮部爲遵

旨議奏事准鑲黃旗滿洲都統咨稱鑲紅旗滿洲都統兼

理鑲藍旗三旗事務和碩果親王等謹

奏該臣等會議得副都統韓光基條奏設立義學一

疏欽惟我

皇上敦崇文教以作養人才爲重立學教誨誠造就童蒙
之至意也今八旗入學讀書者每旗不過數人且

有總不到學堂者皆因兩旗合立一學而兩旗之人俱在各處散居其住址甚遠之生童因遇寒天雨水是以行走維艱應如韓光基所奏將八旗現有之官房酌量足用者挑選四所添設學堂四處令八旗各立一學倘有隔旗居住情願就近入別旗學堂讀書者亦准其讀書如此則肄業諸生既無遠涉之勞而教習亦得盡心訓誨矣奉

旨依議欽此欽遵行文各該旗查明左右兩翼現在四處

學堂指定某處爲某旗學堂報部外再將各旗所有官房量其足用者各選擇一所添設學堂四處指明坐落分晰旗分以便移咨工部派員修理
左翼四旗義學

鑲黃旗義學安定門大街官房十九間

正白旗義學豆腐巷官房二十一間半

鑲白旗義學觀音寺衚衕官房二十間

正藍旗義學崇文門內小石橋官房十四間

右翼四旗義學文四內心二書官房十四間

正黃旗義學西直門內毛角灣衙官房九間半

正紅旗義學武定侯衙官房二十四間

鑲紅旗義學兵部窪官房三十間式間

鑲藍旗義學西長安門草帽衙官房九間

謹案八旗兩翼義學房舍乾隆二十七年奉旨裁汰

以上八旗兵丁學舍

欽定八旗通志卷一百十五

